

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 525 del 11/03/2024

Traduzione in ladino

“Mont da viver: I davegnir di raions da mont”

[Ladino] Se pel portèr dant la candidatures per abstract e poster per tor pèrt a la quinta edizion del convegno “Èlpes” che à inom “Mont da viver: I davegnir di raions da mont”. I neves convegnès dediché ai argomenc de gran emportanza che revèrda la mont e che i vegn endrezé da la Fondazione Franco Demarchi i vegnarà metui a jir a Trent ai 11 e ai 12 de otober del 2024.

Te chesta neva edizion l Convegn l se met dant de rejonèr, a na vida multidisciplinèra, **de la tendenzes e de la inovacions che revèrda i raions da mont**, da olache anchecondi la jent la se n va, olache la doventa scialdi più veia, se sent l peis del turism e la comunanza la doventa più pureta, per poder portèr dant **de neva idees e projec**.

Tras **contribuc teorics e situacions de studie** da portèr dant, vegnarà analisà tel detai i prozesc e la mudazions sozedudes tel passà, la dinamiche de anchecondi e projec, strategies e politiches per l davegnir. N lurier de enrescida a chel che tolarà pèrt sacotenc relatores desche Letizia Bindi (UNIMOL), Federica Buffa (UNITN), Marco Bussone (UNCEM), Federica Burini (UNIBG), Paolo Costa (FBK), Roberto Poli (UNITN), Annibale Salsa (TSM Step) e Pier Paolo Viazzo (UNITO).

L convegn l vegnarà metù a jir te trei sescions plenères e doi sescions paraleles de aprofondiment che tratarà chisc argomenc: cultura e paesaje, welfare teritorièl, svilup economiche e turistiche.

L envit a portèr l contribut personèl de reflèsion, proponetes e ejic de enrescida l ge vegn fat a studiosc/es de fenomens coleé ai raions da mont, a enrescidores junior e senior, a profesjonis e profesjonistes e a policy maker che se dèsc ju te la valorisazion di raions da mont.

Se podarà manèr ite i abstract e i poster dant dai 26 de oril del 2024 e i vegnarà valuté dal comitat scientifich del Convegn.

I materièi per la candidatura i é a la leta su la piata [Call for abstract](#) e poster, olache troarede duta la informazions che revèrda l Convegn.

L Convegn l vegn endrezà col patrozinie de: Provinzia autonoma de Trent, Sozietà di Teritorialis/tes onlus, tsm/step Scola per l goern del teritorie e del paesaje e Union Nazionèla Comuns Comunitàdes Enc da mont.

Traduzion di Servijes Linguistics e Culturèi del Comun general de Fascia

(cdt)